

ШАРТНОМА №- 2

(ЛОТ- 22110012168477)

" 11 " ноябрь 2022 йил.

Хоразм

Сотиб олувчи бўлган кейинги ўринларда "Сотуб олувчи" деб аталувчи **Ўзбекистон Республикаси ИИБ Хоразм вилояти ИИБ Жамоат хавфсизлиги хизмати Йул харакати хавфсизлиги бошкармасининг махсус эксплуатация-монтаж булими** номидан **Рахбар Ж. Р. Отамуратов**, Низом асосида иш юритувчи бир тарафдан ва кейинги ўринларда "Сотувчи" деб **«МЧЖ "Ultramax Road Build" аталувчи номидан Рахбар М. Миразизов, Низом** асосида иш юритувчи иккинчи тарафдан, биргаликда «Тарафлар» деб аталувчилар Давлат харидлари электрон тизимида танлов ўтказилган электрон давлат хариди натижаси бўйича куйидагича шартнома туздилар.

1. ШАРТНОМА ПРЕДМЕТИ

1.1. Сотувчи буюртмага асосан куйидаги кўрсатилган махсулотларни (курсатилган хизмат) етказиб беради, "Сотиб олувчи" эса махсулотларни қабул қилиб олиш ва ҳисоб-китоб қилиш мажбуриятларини олади.

Спецификация:

№	Товар номи	Ўлчов бирлиги	Товар сони	Бирлик учун бошланғич нарх	Бирлиги учун келишилган нарх ККС билан	Позиция учун келишилган сумма ККС билан
1	<u>Швонарезчик техникаси</u>	дона	1	22 500 000	22 200 000	22 200 000
Жами						22 200 000

Шартноманинг умумий суммаси: **22 200 000** (йигирма икки миллион икки юз минг) СУМ, ККС билан

2. ТЎЛОВ ТАРТИБИ, ЕТКАЗИБ БЕРИШ МУДДАТИ ВА ШАРТЛАРИ

2.1. Шартнома амалга ошганидан сунг Сотиб олувчи "Сотувчи"нинг ҳисоб рақамига шартноманинг умумий суммасидан 30% олдиндан (аванс) туловини амалга оширади. Шартнома суммасидан қолган 70% туловни махсулотни қабул қилиб олгандан сунг тулаб беради.

2.2. Сотувчининг ҳисоб рақамига 30% тўлов амалга оширилганидан сунг 30 иш куни ичида товарни етказиб бериши шарт.

2.3. Сотиб олувчи товарнинг сони тўлиқлигини, бутлигини, сифатини ва эълонда ёки офёртада кўрсатилган бошқа талабларга мувофиқлигини Сотувчи иштирокида текшириб қабул қилиб олиши шарт.

2.4. Барча транспорт харажатлари Сотувчи томонидан қопланади (агар мазкур шартномада бошқа шартлар белгиланмаган бўлса).

2.5. Сотувчи томонидан товарни етказиб берилганлиги ва Сотиб олувчи томонидан текшириб олинганлиги Сотувчи расмийлаштирган ҳисобварақ-фактурани Тарафлар томонидан имзоланиши билан тасдиқланади.

3. ТАРАФЛАРНИНГ ҲУҚУҚ ВА МАЖБУРИЯТЛАРИ

3.1. Сотиб олувчи куйидаги ҳуқуқларга эга:

- Сотувчидан мазкур шартноманинг 1 бандига мувофиқ бўлган миқдордаги ва сифатдаги товарни етказиб беришни талаб қилиш;

- Сотувчи талаб даражасидаги сифатга эга бўлмаган товар етказиб берганда Сотувчидан куйидагиларни талаб қилишга ҳақли:

- талаб даражасидаги сифатли товарга алиштириб беришни;

- етказиб берилган товардаги камчиликларни Сотувчи ҳисобидан бартараф этилишини;

- мазкур шартнома шартларини бажармаганлик ёки белгиланган даражада бажармаганлик.

3.2. Сотиб олувчининг мажбуриятлари куйидагилардан иборат:

- Битим суммасининг 100% миқдоридаги тўловни мазкур шартномада кўрсатилган муддатда «Сотувчининг» ҳисобрақамига ўтказиши лозим;

- товарни етказиш ва қабул қилиб олиш саналарини Сотувчи билан келишиб олиш;

3.3. Сотувчи куйидаги ҳуқуқларга эга:

- Сотиб олувчи билан келишган ҳолда товарни муддатидан олдин етказиб бериш;

• Сотиб олувчининг ўзи томонидан берилган талабномага мос бўлган товарни қабул қилиб олишни рад этиши натижасида етказилган зарарни қоплашни талаб қилиш.

3.4. Сотувчи мажбуриятлари қуйидагилардан иборат:

- товарни етказиб бериш санаси ва вақтини «Сотиб олувчи» билан келишиб олиш;
- товарни етказиб бериш жараёнида аниқланган камчиликларни Сотиб олувчининг талабига кўра етказиб беришнинг белгиланган муддатигача бартараф этиш.

3.5. Шартнома шартлари Ўзбекистон Республикаси қонунчилигига ва мазкур шартнома талабларига мувофиқ ижро этилиши лозим.

3.6. Тарафлар ўз мажбуриятларини тўлиқ бажарилишини таъминлаганларида Шартнома бажарилган деб ҳисобланади.

4. ТАРАФЛАРНИНГ ЖАВОБГАРЛИГИ

4.1. Сотиб олувчи ва Сотувчи мазкур Шартнома шартларини бажармаганлик ва бузганлик учун қонунчиликда белгиланган тартибда жавобгарликка тортиладилар.

4.2. Тарафлар қонунчиликда белгиланган форс-мажор ҳолатлари мавжудлиги натижасида шартномада белгиланган мажбуриятларини бажариш иложсизлигидан тўлиқ ёки қисман бажара олмаганларида жавобгарликка тортилмайдилар.

4.3. Товарларни етказиб бериш муддатлари кечиктириб юборилган, тўлиқ етказиб берилмаган ҳолларда, Сотувчи Сотиб олувчига кечиктирилган ҳар бир кун учун мажбурият бажарилмаган қисмининг 0,5 фоизи миқдориди пеня тўлайди, бироқ бунда пенянинг умумий суммаси етказиб берилмаган товарлар баҳосининг 50 фоизидан ошиб кетмаслиги лозим.

4.4. Агар етказиб берилган товарлар сифати, ассортимент ва нави бўйича стандартлар, техник шартлар, намуналарга (эталонларга) қонунчиликда ёки шартномада белгиланган бошқа мажбурий шартларга мос келмаса, Сотиб олувчи товарларни қабул қилиш ҳамда уларнинг ҳақини тўлашни рад этиб, Сотувчидан сифати, ассортимент ва нави лозим даражада бўлмаган товарлар қийматининг 20 фоизи миқдориди жарима ундириб олишга, агар товарлар ҳақи тўлаб қўйилган бўлса, тўланган суммани белгиланган тартибда қайтаришни талаб қилишга ҳақлидир. Сифати, ассортимент ва нави лозим даражада бўлмаган товарлар етказиб берганлик учун жарима Сотувчидан ақцептсиз тартибда ундириб олинади.

5. НИЗОЛАРНИ ҲАЛ ЭТИШ ТАРТИБИ

5.1. Тарафлар юзага келган баҳс ва мунозараларни судгача ҳал этиш чораларини кўрадилар.

5.2. Тарафлар юзага келган мунозараларни ҳал этиш учун даъвогарнинг жойлашган ҳудуди бўйича судга мурожаат қилишлари мумкин.

5.3. Тарафлар ўртасидаги мазкур шартномада кўзда тутилмаган муносабатлар Ўзбекистон Республикаси қонунчилигига асосан тартибга солинади.

6. ФОРС-МАЖОР ҲОЛАТЛАРИ

6.1. Агар ушбу шартнома тузилгандан сўнг, ушбу шартномада белгиланган мажбуриятларнинг бирон бир томонини тўлиқ ёки қисман тўғри бажаришига тўсқинлик қиладиган ҳолатлар юзага келса ва агар бундай ҳолатлар, яъни ёнгин, тошқин, зилзила, бошқа табиий офатлар, экспорт ёки импортга тўсиқлар ёки эмбарголар, уруш, жанговар ҳаракатлар, террористик ҳаракатлар, иш ташлашлар (томонлар ишчиларининг иш ташлашларидан ташқари), пандемия, амалдаги қонунчиликдаги ўзгаришлар, давлат органлари ва Ўзбекистон Республикаси Ҳукумати томонидан қабул қилинган умумий характердаги қарорлар томонларнинг шартнома шартларини бажаришига бевосита таъсир қилса, тегишли мажбуриятларнинг бажарилиши вақти бундай ҳолатлар бартараф этилган вақтга ёки уларнинг оқибатлари тугаши вақтига кўчирилади.

6.2. Фавқулодда вазиятлар юзага келган тақдирда, томонлар зудлик билан ўзаро музокаралар олиб борадилар ва фавқулодда вазиятлар оқибатларини бартараф этиш ёки бартараф этиш мақсадида кўриладиган чоралар тўғрисида келишиб оладилар.

6.3. Агар форс-мажор ҳолатлари ёки уларнинг оқибатлари томонларнинг ўз мажбуриятларини бажаришига тўсқинлик қиладиган бўлса, томонларнинг ҳар бири бошқа томонга ушбу шартномани бекор қилишнинг кутилаётган санасидан 10 (ўн) иш куни олдин ёзма равишда хабар юборганидан кейин ушбу шартномани бекор қилиш ҳуқуқига эга. Бундай ҳолда томонларнинг ҳеч бири бошқа томондан форс-мажор ҳолатлари натижасида етказилган зарарни қоплашни талаб қилишга ҳақли эмас. Шунингдек, Сотиб олувчи бажарилмаган мажбуриятлари учун Сотиб олувчидан олинган

барча тўловларни Сотиб олувчига қайтаради ва Сотиб олувчи Сотувчининг бажарилган барча мажбуриятларини тўлик тўлайди.

7. КОРРУПЦИЯГА ҚАРШИ ҚЎШИМЧА ШАРТЛАР

7.1. Тарафлар шартнома тузишда, шартноманинг амал қилиш муддатида ва ушбу муддат тугаганидан сўнг, шартнома билан боғлиқ коррупциявий ҳаракатлар содир қилмасликка келишиб олади.

7.2. Тарафлар шартномадаги коррупцияга қарши қўшимча шартларда белгиланган коррупциянинг олдини олиш чораларини тан олади ва уларга риоя этилиши бўйича ҳамкорликни таъминлайдилар.

7.3. Ҳар бир тараф шартнома тузилган пайтда бевосита ўзи ёки унинг ижроия органлари, мансабдор шахслари ва ходимлари томонидан шартнома билан боғлиқ муносабатлар юзасидан қонунга хилоф равишда пул, моддий қийматликлар берилмаганлигини, шартнома тузилиши эвазига норасмий пул ёки бошқа моддий қийматликлар олинишига йўл қўйилмаганлигини, таклиф этилмаганлигини, уларни беришга ваъда қилинмаганлигини, шунингдек моддий ёки ҳар қандай турдааги имтиёз, устунликлар олинмаганлигини (келажакда бу турдаги ҳаракатларни амалга ошириши мумкинлиги ҳақида таассурот қолдирилмаганлигини) қафолатлайди.

Тарафлар, улар томонидан шартнома доирасида жалб қилинган шахсларнинг (ёрдамчи пудратчи ташкилотлар, агентларва тарафлар назорати остидаги бошқа шахсларнинг) юқоридаги ҳаракатларни содир этмаслиги юзасидан оқилона чоралар кўради.

7.4. Тарафлар давлат хизматчилари, сиёсий партиялар, шунингдек ўзларининг ижроия органлари, мансабдор шахслари ва ходимлари томонидан ҳар қандай вақт ва шаклда қуйидаги ҳаракатларни бевосита ёки билвосита (шу жумладан, учинчи шахслар орқали) содир этилишига йўл қўймайди.

7.5. Тарафлар уларнинг назорати остида бўлган ва улар номидан ҳаракат қиладиган шахслар томонидан коррупцияга қарши қўшимча шартларда белгиланган мажбуриятлар бузилганлиги ҳолатлари ҳақида хабар берилганлиги учун уларга тазйик ўтказилмаслигини қафолатлайдилар

Тарафнинг талаби бўйича иккинчи тараф томонидан қоидабузарликларни бартараф қилиш бўйича оқилона муддат ичида тегишли чоралар кўрилмаган ёки кўриб чиқиш натижалари ҳақида хабардор қилмаган тақдирда, ушбу тараф шартномани бир тарафлама тўхтатиб туришга, бекор қилишга ҳамда зарарни тўлик қоплаб беришни талаб қилишга ҳақли.

8. ШАРТНОМАНИНГ АМАЛ ҚИЛИШ МУДДАТИ

8.1. Мазкур шартнома тарафлар томонидан тузилган заҳоти кучга киради ва 2022 йил "31" декабргача амал қилади.

8.2. Шартнома муддатининг тугаши тарафларни жавобгарликдан озод этмайди.

9. ТАРАФЛАРНИНГ ЮРИДИК МАНЗИЛИ ВА РЕКВИЗИТЛАРИ

СОТИБ ОЛУВЧИ

“Ўзбекистон Республикаси ИИВ Хоразм вилояти ИИБ Жамоат хавфсизлиги хизмати Йул ҳаракати хавфсизлиги бошқармасининг махсус эксплуатация-монтаж бўлими”
Хоразм вилояти, Ургенч шаҳри, Хонка кўчаси, 198 уй
Х/Р : 401010860334017031101179007
Банк: УРГАНЧ Ш., МАРКАЗИЙ БАНК ХОРАЗМ ВИЛОЯТ ХИСОБ-КИТОБ КАССА МАРКАЗИ
МФҚ 00027/СИНП 202507247
Телефон:

СОТУВЧИ



MChJ “Ultramax Road Build”

Toshkent shaxri,
Yunusabad rayoni, Chinabad, 85
XR 2020 8000 5054 8217 1001
AIKB "Ipak Yoli"
Bank M. Ulugbek filiali
MFO – 00421 OKED - 46730A
INN -309 219 859



Раҳбар:  Ж. Р. Отамуратов

Раҳбар: _____ М. Mirazizov

юрисот  

NAZORAT

**ЎЗБЕКИСТОН RESPUBLIKASI
PREZIDENTI ADMINISTRATSIYASI
RAHBARI**

Ўзбекистон Республикаси Бош вазири А.Н.Ариповга

Ўзбекистон Республикаси Президенти Администрацияси
(Р.А.Гулямов, Б.Д.Исламов, Б.М.Мавлоновга)

Вазирлар Маҳкамаси (А.Ж.Раматов, Ж.А.Кўчқоров, Ш.М.Ганиевга)

Ҳисоб палатаси (Б.Т.Турабовга)

Ички ишлар вазирлиги (П.Р.Бобожоновга)

Адлия вазирлиги (Р.К.Давлетовга)

Қорақалпоғистон Республикаси Вазирлар Кенгаши,
вилоятлар ва Тошкент шаҳар ҳокимликларига

Вазирликлар ва идоралар раҳбарларига (рўйхат бўйича)

Жорий йил 3 май куни Тошкент шаҳрининг йўл-транспорт инфратузилмасини ривожлантириш лойиҳалари ҳамда Ички ишлар вазирлигининг Ситуацион-тахлилий маркази фаолияти билан танишиш жараёнида берилган топшириқлар Баёни тўғрисида **Давлат Раҳбарига ахборот берилди.**

Вазирлар Маҳкамаси, вазирликлар, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари раҳбарларига Баён топшириқлари ижросини белгиланган муддатларда ва сифатли таъминлаш учун **шахсан масъул эканликлари кўрсатиб ўтилди.**

Вазирлар Маҳкамаси ва Ҳисоб палатаси раҳбариятига Баён топшириқлари бажарилишини шахсан назоратга олиб, **ҳар чоракда Ўзбекистон Республикаси Президенти Администрациясига ахборот киритиб бориш топширилди.**

Д.Кадиров, Ў.Жуманов, А.Рахмоновга – назорат


З.Низомиддинов

2022 йил “13” май
№ 02-РА 1-7533

Ўзбекистон Республикаси Президенти Ш.М.Мирзиёевнинг
2022 йил 3 май куни Тошкент шаҳрининг йўл-транспорт
инфратузилмасини ривожлантириш лойиҳалари, Ички ишлар
вазирлигининг Ситуацион-таҳлилий маркази фаолияти билан
танишиш ҳамда фаоллар билан ўтказилган мулоқотлар
жараёнида берилган топшириқлар бўйича

39 - сонли БАЁН

Раислик қилди: **Ш.М.Мирзиёев – Ўзбекистон Республикаси
Президенти**

Қатнашганлар: Ўзбекистон Республикасининг Бош вазири, Ўзбекистон
Республикаси Президенти Администрацияси раҳбари,
Президент маслаҳатчилари ва уларнинг ўринбосарлари,
вазирликлар, идоралар, хўжалик бирлашмалари,
Тошкент шаҳар секторлари раҳбарлари, фаоллар ва
маҳалла фуқаролар йиғинлари раислари (*рўйхат бўйича*)

КУН ТАРТИБИ:

**Тошкент шаҳрида йўл-транспорт инфратузилмасини ривожлантириш,
тирбандликларнинг олдини олишга қаратилган лойиҳаларни
жадаллаштириш ва Ички ишлар вазирлигининг Ситуацион-таҳлилий
маркази фаолиятини янада яхшилаш чора-тадбирлари тўғрисида**

*(Мирзиёев, Арипов, Махмудов, Йўлдошев, Комилов, Бобожонов, Джураев, Артикходжаев,
Закиров, Махкамов, Ишметов, Шерматов, Абдувалиев, Мирзиёев)*

Тошкент шаҳрида янги транспорт боғламаларини барпо этишга
қаратилган қурилиш ва бунёдкорлик ишлари, жумладан Яккасарой туманини
Сергели тумани билан боғловчи янги йўл ўтказгич ва автомобиль йўли
қурилиши, маҳаллалардаги ободонлаштириш ва кўкаламзорлаштириш
ишлари, шунингдек, Ички ишлар вазирлигининг Ситуацион-таҳлилий
маркази фаолияти билан танишиш давомида берилган топшириқлар ҳамда
билдирилган таклифларни инобатга олган ҳолда, **қарор қилинди:**

1. Тошкент шаҳар ҳокимлиги (Артикходжаев)нинг Тошкент шаҳрининг
Яккасарой туманини Сергели тумани билан боғловчи йўл ўтказгич
ва автомобиль йўлини барпо этишда халқаро қурилиш нормалари
ва талабларидан фойдаланиб лойиҳалаш ишлари амалга оширилганлиги
ҳамда республикада биринчи марта монолит конструкцияли йўл ўтказгич
ҳамда унга олиб борувчи уч тасмали 6,5 км узунликдаги автомобиль йўли
барпо этилганлиги тўғрисидаги ахбороти **маълумот учун қабул қилинсин.**

2. Қурилиш вазирлиги (Закиров) Транспорт вазирлиги (Махкамов), Автомобиль йўллари қўмитаси (Абдувалиев), Тошкент шаҳар ҳокимлиги (Артикходжаев) билан биргаликда **уч ой муддатда** республикада йўл ва кўприкларни барпо этишда янги қурилиш нормалари ва стандартларини жорий этиш мақсадида миллий қурилиш нормаларига тегишли ўзгартириш ва қўшимчалар киритсин.

Бунда, янги қурилиш нормаларида кўприклар ва автомобиль йўлларини қуришда фойдаланиладиган қурилиш материалларини маҳаллий иқлимга мослиги, энерготехжамкорлиги, аҳоли учун қулай ва хавфсиз бўлишига эътибор қаратилсин.

3. Тошкент шаҳар ҳокимлиги (Артикходжаев), Қурилиш вазирлиги (Закиров) ва Автомобиль йўллари қўмитаси (Абдувалиев)нинг:

Яккасарой тумани, Бобур кўчасидан И.Каримов номидаги Тошкент халқаро аэропортига олиб борувчи йўл ўтказгични замонавий қурилиш стандартлари асосида қайта қуриш;

мазкур янги йўл ўтказгич қурилишининг икки усулдаги (монолит ва йиғма темир-бетон конструкцияли) лойиҳа-смета ҳужжатларини ишлаб чиқиш бўйича Тошкент шаҳар ҳокимлиги “Ягона буюртмачи хизмати” инжиниринг компаниясини буюртмачи этиб белгилаш;

буюртмачи томонидан махсус ахборот порталида танлов ўтказиш тўғрисида эълон жойлаштирмасдан ва харид қилиш тартиб-таомилларини электрон шаклда ўтказмасдан, истисно тариқасида, Қурилиш вазирлиги, Автомобиль йўллари қўмитаси ва Тошкент шаҳар ҳокимлигининг тегишли хулосасига мувофиқ бош лойиҳа ташкилотини белгилаш тўғрисидаги таклифларига розилик берилсин.

Иқтисодий тараққиёт ва камбағалликни қисқартириш вазирлиги (Бобоев) Молия вазирлиги (Ишметов), Тошкент шаҳар ҳокимлиги (Артикходжаев) билан биргаликда:

бир ҳафта муддатда янги йўл ўтказгич қурилишининг лойиҳа-смета ҳужжатларини ишлаб чиқиш билан боғлиқ харажатларни 2022 йилги ижтимоий ва ишлаб чиқариш инфратузилмасини ривожлантириш дастурида Ҳукумат топшириқлари доирасида ҳамда ишлаб чиқиладиган дастурлар учун назарда тутилган маблағлар ҳисобидан молиялаштирилишини;

жорий йилнинг 15 июнига қадар буюртмачининг асосланган ҳисоб-китобларига мувофиқ мазкур янги йўл ўтказгич қурилишининг молиялаштириш манбаларини аниқлаш бўйича асосланган таклифларни ишлаб чиқиб, Вазирлар Маҳкамасига киритилишини таъминласин.

Қурилиш вазирлиги (Закиров) Тошкент шаҳар ҳокимлиги (Артикходжаев), Автомобиль йўллари кўмитаси (Абдувалиев) билан биргаликда **2022 йил 1 августга қадар** Тошкент халқаро аэропортига олиб боровчи янги йўл ўтказгич қурилишининг икки усулдаги (монолит ва йиғма темир-бетон конструкцияли) лойиҳа-смета ҳужжатларини **илғор хорижий тажрибани инобатга олган ҳолда**, давлат экспертизасидан ўтказсин ҳамда Ўзбекистон Республикаси Президенти Администрациясида тақдимот қилсин.

4. Тошкент шаҳар ҳокимлиги (Артикходжаев) Тошкент халқаро аэропортининг Тошкент-3 терминалига олиб боровчи С.Толипов ва Қумарик кўчаларини йўл бўйида пиёдалар ва велосипед йўлакларини барпо этиш, ташқи ёритиш воситаларини ўрнатиш, ободонлаштириш, дренаж тизимини янгилаш ва барпо этишни назарда тутувчи реконструкция қилиш ишларининг лойиҳа ҳужжатларини ишлаб чиқсин, қурилиш-таъмирлаш ишларини **жорий йил якунига қадар** якунласин.

Белгилансинки, мазкур йўлни қурилиш-таъмирлаш ишлари бўйича:

Тошкент шаҳар ҳокимлиги “Ягона буюртмачи хизмати” инжиниринг компанияси буюртмачи функциясини бажаради;

Тошкент шаҳар маҳаллий бюджетининг кўшимча манбалари ва Тошкент шаҳар маҳаллий бюджетидан қоплаш шарти билан жалб қилинадиган тижорат банклари кредитлари лойиҳани молиялаштириш манбаси ҳисобланади.

5. Тошкент шаҳар ҳокимлиги (Артикходжаев)нинг Тошкент шаҳри, Фарғона йўли кўчасидан Тошкент халқаро автомобиль йўлига чиқиш ва тушиш имконини берувчи ёрдамчи йўл ўтказгичларни барпо этиш ишлари бошланганлиги ҳамда ҳозирда қурилиш ишларини жадаллаштириш бўйича аниқ чора-тадбирлар белгилаб олинганлиги тўғрисидаги ахбороти маълумот учун қабул қилинсин.

6. Тошкент шаҳар ҳокимлиги (Артикходжаев) Қурилиш вазирлиги (Закиров), Транспорт вазирлиги (Махкамов), Молия вазирлиги (Ишметов) билан биргаликда **икки ой муддатда** Бектемир шоҳ кўчасини Фарғона йўли кўчасидан Тошкент вилояти, Ўртачирчиқ туманига қадар бўлган қисмида йўлни кенгайтириш ва пиёдаларга қулайликлар яратиш мақсадида пиёдалар йўлаклари ва велосипедчилар йўлакларини барпо этиш, ташқи ёритиш воситаларини ўрнатиш ва ободонлаштириш ишлари ҳамда молиялаштириш манбаларини назарда тутган лойиҳа концепциясини ишлаб чиқиб, тақдимот материалларини Ўзбекистон Республикаси Президенти Администрациясига киритсин.

7. Тошкент шаҳар ҳокимлиги (Артикходжаев), Транспорт вазирлиги (Махкамов), Қурилиш вазирлиги (Закиров)нинг Тошкент шаҳри, Янги Сергели кўчасининг йўл бўйида пиёдалар ва велосипедчилар йўлаклари, ажратилган автобус йўлагини барпо этиш, ташқи ёритиш воситаларини ўрнатиш ва ободонлаштириш ишларини кўзда тутган ҳолда тўлиқ реконструкция қилиш бўйича лойиҳа таклифи маъқуллансин.

Бунда, Янги Сергели кўчасида бажариладиган қурилиш-таъмирлаш ва ободонлаштириш ишлари доирасида:

лойиҳа-смета ҳужжатларини ишлаб чиқиш учун маҳаллий бюджетнинг қўшимча манбаларидан зарур маблағ ажратсин;

қурилиш-таъмирлаш ва ободонлаштириш ишларини маҳаллий бюджетнинг қўшимча манбалари ҳамда Тошкент шаҳар маҳаллий бюджетидан қоплаш шарти билан жалб қилинадиган тижорат банклари кредитлари ҳисобидан молиялаштириш инobatга олинсин.

8. Автомобиль йўллари қўмитаси (Абдувалиев) ва Тошкент шаҳар ҳокимлиги (Артикходжаев) аҳолига қулайликлар яратиш ҳамда транспорт воситаларининг хавфсиз ҳаракатланишини таъминлаш мақсадида Юнусобод туманидаги “Собиробод” МФЙ, Уч қаҳрамон кўчасини (Рихсилли кўчасидан “Исломобод” МФЙ ҳудудига қадар) Тошкент шаҳрида 2022 йил учун “Обод қишлоқ” ва “Обод маҳалла” дастури доирасида мукамал таъмирлаш ишларини таъминласин.

Бунда, ушбу автомобиль йўлини мукамал таъмирлаш ишларини қисқа муддатда амалга оширишни ташкил этиш учун, истисно тариқасида, “Йўл лойиҳа бюроси” МЧЖ – бош лойиҳа ташкилоти ҳамда “Тошкент кўприклардан фойдаланиш” УК – бош пудрат ташкилоти этиб белгилансин.

9. Тошкент шаҳар ҳокимлиги (Артикходжаев)нинг:

Учтепа тумани, Фарход кўчасининг Тошкент кичик халқа автомобиль йўлининг Бунёдкор кўчаси билан кесишмасидан Журжоний ва Саккокий кўчалари кесишмасига қадар қисмини реконструкция қилиш, ободонлаштириш, сайилгоҳ ташкил этиш, пиёдалар ва велосипед йўлаклари, дренаж ва суғориш тизимларини қуриш, чорраҳаларда “Аккли светофорлар” ва йўл белгиларини ўрнатиш, йўл бўйида жойлашган кўп қаватли уйларни фасадларини ягона архитектура қиёфасини яратган ҳолда мукамал таъмирлаш ва реконструкция қилиш, ободонлаштириш ҳамда йўл бўйида савдо ва хизмат кўрсатиш объектларини барпо этиш;

мазкур қурилиш-таъмирлаш ва ободонлаштириш ишлари бўйича буюртмачи этиб Тошкент шаҳар ҳокимлиги “Ягона буюртмачи хизмати” инжиниринг компаниясини белгилаш ҳамда 2022 йил 31 декабрга қадар қурилиш-монтаж ишларини лойиҳа-смета ҳужжатларини ишлаб чиқиш билан бир вақтда олиб бориш тўғрисидаги таклифларига розилик берилсин.

Белгилаб қўйилсинки, Фарход кўчасини қурилиш-таъмирлаш ва ободонлаштириш ишлари доирасида:

қурилиш ҳудуди жойлашган турар ва нотурар жой кўчмас мулк объектларини хатловдан ўтказиш натижасида ер участкалари давлат ва жамият эҳтиёжи учун олинishi муносабати билан мулкдорларга етказилган зарарлар белгиланган тартибда қоплаб берилади;

Тошкент шаҳрида 2022 йил учун “Обод кишлоқ” ва “Обод маҳалла” дастури доирасида йўлларни таъмирлаш учун назарда тутилган маблағларнинг иктисод қилинган қисми, 2022-2024 йилларда ижтимоий ва ишлаб чиқариш инфратузилмасини ривожлантириш дастурининг “ёпик қисми” доирасида Тошкент шаҳрига ажратилган маблағлар ҳамда Тошкент шаҳар маҳаллий бюджетининг қўшимча манбалари молиялаштириш манбалари ҳисобланади.

Тошкент шаҳар ҳокимлиги (Артикходжаев) Қурилиш вазирлиги (Закиров), Иктисодий тараққиёт ва камбағалликни қисқартириш вазирлиги (Бобоев), Молия вазирлиги (Ишметов) билан биргаликда **бир ҳафта муддатда** Учтепа тумани, Фарход кўчасини қурилиш-таъмирлаш ва ободонлаштириш ишларини жадаллаштириш бўйича **Ҳукумат фармойиши лойиҳасини** ишлаб чиқиб, Вазирлар Маҳкамасига киритсин.

10. Иктисодий тараққиёт ва камбағалликни қисқартириш вазирлиги (Кўчқоров), Молия вазирлиги (Ишметов), Автомобиль йўллар кўмитаси (Абдувалиев) **уч кунлик муддатда** 2022 йил Навоий вилояти бўйича Ижтимоий ва ишлаб чиқариш инфратузилмасини ривожлантириш дастурига киритилган объектларда қурилиш-монтаж ишларини янада жадаллаштириш, шунингдек материаллар захирасини яратиш мақсадида 2022 йил ажратилган лимит маблағлар доирасида қўшимча 25% аванс маблағлари молиялаштирилишини таъминласин.

11. Бош вазир ўринбосари Ш.Ғаниев Қишлоқ хўжалиги вазирлиги (Ходжаев), Тошкент шаҳар ҳокимлиги (Артикходжаев) билан биргаликда Тошкент вилоятдан Бектемир ва Янгиҳаёт туманлари таркибига ўтказилган қишлоқ хўжалигига мўлжалланган ер майдонларида барпо этилиши режалаштирилган “Янги шаҳар” концепцияси асосида лойиҳа ҳужжатлари тўлиқ ишлаб чиқилиб, тасдиқлангунга қадар мазкур қишлоқ хўжалиги майдонларидан самарали ва белгиланган мақсадларда фойдаланиш чораларини кўрсин.

Тошкент шаҳар прокурори У.Қосимов Тошкент вилоятдан Тошкент шаҳри таркибига ўтказилган қишлоқ хўжалигига мўлжалланган ер майдонларидан оқилона ва белгиланган мақсадларда фойдаланишини таъминлашга **шахсан масъул ва жавобгар этиб белгилансин.**

12. Бош вазир ўринбосари Ш.Ғаниев, Қишлоқ хўжалиги вазирлиги (Ходжаев), манфаатдор вазирликлар ва идоралар билан биргаликда **бир ой муддатда** Янгиҳаёт тумани маъмурий маркази қурилиши учун танланган қишлоқ хўжалигига мўлжалланган ер майдонини тоифасини ўзгартириш масаласини Қишлоқ хўжалигига мўлжалланган ва ўрмон фонди ерларининг ер фонди тоифаларини ўзгартириш масалаларини кўриб чиқиш бўйича Ҳукумат комиссиясида кўриб чиқиб, **тегишли ҳужжат лойиҳасини** Ўзбекистон Республикаси Президенти Администрациясига киритсин.

13. “Uzbekistan Airports” АЖ (Джураева)нинг республика оркали халқаро ва маҳаллий рейсларни ортиши ҳамда сайёҳлар оқимини кўпайишини инобатга олиб, Тошкент шаҳар ҳокимлиги ҳузуридаги “Муниципал активларни бошқариш Маркази” ДУКга тегишли “Тошкент-2” халқаро терминали ва “Тошкент-3” маҳаллий катновлар терминалига туташ худудларда жойлашган автомобиллар тураргоҳларини “Uzbekistan Airports” АЖга бериш тўғрисидаги таклифи маъқуллансин.

Давлат активларини бошқариш агентлиги (Ортиков) Тошкент шаҳар ҳокимлиги (Артикходжаев), Транспорт вазирлиги (Махкамов), “Uzbekistan Airports” АЖ (Джураева) билан биргаликда **бир ой муддатда** ушбу автомобиллар тураргоҳларини “Uzbekistan Airports” АЖнинг устав фондиди ошириш ҳисобига белгиланган тартибда жамиятга берилишини таъминласин.

14. Бош вазирнинг биринчи ўринбосари А.Раматов, Уй-жой коммунал хизмат кўрсатиш вазирлиги (Хидоятлов) “Ўзсувтаъминот” АЖ (Саифназаров), Тошкент шаҳар ҳокимлиги (Артикходжаев) билан биргаликда **икки ой муддатда** Тошкент шаҳридаги ичимлик сув таъминоти ва оқова сув тизимини трансформация қилиш, ичимлик сувини ҳисобга олиш ва назорат қилишнинг ақлли ускуналарини харид қилиш ҳамда сув таъминоти соҳасида малакали ходимларни тайёрлаш тизимини ривожлантириш бўйича тегишли норматив-ҳуқуқий ҳужжат лойиҳаларини пухта ишлаб чиқиб, молиялаштириш манбаларига аниқлик киритган ҳолда Вазирлар Маҳкамасига киритсин.

15. Тошкент шаҳар ҳокимлиги (Артикходжаев, Раҳмонов), Экология ва атроф муҳитни муҳофаза қилиш давлат қўмитаси (Обломуродов), бириктирилган вазирликлар, идоралар ва хўжалик бирлашмалари пойтахтда “Яшил макон” дастури ҳамда “маҳаллабай” ишлаш тизими доирасида маҳаллалардаги кўчалар ва ариқлар бўйларига, кўп қаватли уйлар атрофига экилган манзарали ва мевали дарахтлар, кўчатлар ва қаламчаларни ўз вақтида суғориш ва парваришлаш ишларини ташкил этсин.

Тошкент шаҳар ҳокимлиги (Артикходжаев) Экология ва атроф муҳитни муҳофаза қилиш давлат қўмитаси (Обломуродов), Ўрмон хўжалиги давлат қўмитаси (Бакиров) билан биргаликда **икки ой муддатда** илғор хорижий тажрибани ўрганган ҳолда, пойтахтнинг яшил қиёфасини яхшилаш, аҳолининг табиатга бўлган эътиборини янада кучайтириш, Тошкент шаҳрини дунёнинг етакчи яшил шаҳарларидан бирига айлантиришга қаратилган “Тошкент шаҳри – яшил майдон” ғоясини амалга ошириш бўйича **Ўзбекистон Республикаси Президентининг қарори лойиҳасини** пухта ишлаб чиқиб, Вазирлар Маҳкамасига киритсин.

16. Ички ишлар вазирлиги (Бобожонов) Ахборот технологиялари ва коммуникацияларини ривожлантириш вазирлиги (Шерматов), манфаатдор вазирликлар ва идоралар билан биргаликда **бир ой муддатда** ички ишлар органлари фаолиятига рақамли технологияларни кенг жорий этишга доир қуйидагилар:

туман (шаҳар) ички ишлар органларида ахборот технологиялари билан ишларни ташкил этишга масъул ходим лавозимларини киритиш ҳамда рақамлаштириш жараёнларини самарали таъминлаш;

Ички ишлар вазирлиги Ситуацион-таҳлилий маркази фаолиятини тизимли, тўлақонли ва мақсадли йўлга қўйиш бўйича зарур ташкилий-тузилмавий ва интеграция чора-тадбирларини ўз ичига олувчи концепция ва дастурини белгилаш;

навбатчилик хизматлари, профилактика инспекторлари, эксперт-криминалистика, тергов, тезкор-қидирув, пробация, патруль-пост ва йўл-патруль хизмати ходимлари учун Тошкент ахборот технологиялари университети, Тошкент шаҳридаги "Инха" ва "Амити" университетларида **олти ойлик махсус ўқув курсларини** ташкил этиш;

ички ишлар органлари ходимлари томонидан ахборот технологияларидан фойдаланишга оид билим ва кўникма даражасини уларнинг фаолиятини **касбий баҳолаш тизими**га мезон сифатида жорий этиш;

Ички ишлар вазирлиги Ситуацион-таҳлилий маркази тизимининг таҳлилий платформасини **Ички ишлар вазирлиги Академияси, Малака ошириш институти** ва **Жамоат хавфсизлиги университетининг ўқув** ва илмий-тадқиқот жараёнларига интеграция қилиш;

ахборот технологияларини хизмат фаолиятига татбиқ этишда, шунингдек, рақамлаштиришда фаол иштирок этиб, самарали хиссасини қўшиб келаётган ички ишлар органлари ходимларини рағбатлантириш мақсадида уларнинг лавозим маошларига **қўшимча устамалар белгилаш** масалаларини назарда тутувчи **Ўзбекистон Республикаси Президентининг қарори** лойиҳасини ишлаб чиқиб, Вазирлар Маҳкамасига киритсин.

17. Ички ишлар вазирлиги (Бобожонов) Миллий гвардия (Джураев), Бош прокуратура (Йўлдошев), Фавқулодда вазиятлар вазирлиги (Кўлдошев), Давлат божхона кўмитаси (Мавлонов), Ахборот технологиялари ва коммуникацияларини ривожлантириш вазирлиги (Шерматов) билан биргаликда **бир ой муддатда**:

Ички ишлар вазирлиги Ситуацион-таҳлилий маркази платформасига давлат органларининг ахборот базаларини интеграция қилиш ҳамда ушбу ахборот тизимини ҳудудий ҳуқуқ-тартибот органлари фаолиятига босқичма-босқич жорий этиш бўйича туман (шаҳар)лар кесимида чораларни белгилаш;

кузатиб бориладиган объектлар, жамоат жойлари ва маҳалларни комплекс мониторинг қилиш тизимини яратиш мақсадида видеокузатув камералари ва мониторинг тизимлари (қурилмалари)нинг ахборот оқими барқарорлигини таъминлаш учун қурилмаларга хизмат кўрсатиш, техник талаблар, абонент тўловларни ўз вақтида тўлаш ва молиялаштириш манбаларини белгилаш;

аҳолининг фавқулодда-шошилиш чакирувларига хизмат кўрсатиш сифатини янги босқичга олиб чиқиш мақсадида ички ишлар органларининг “102” автоматлаштирилган тизими негизида “112” ягона диспетчерлик хизмати фаолиятини йўлга қўйиш тadbирларини назарда тутувчи “**йўл харитаси**”ни ишлаб чиқиб, тасдиқлаш учун Вазирлар Маҳкамасига киритсин.

Ўзбекистон Республикасининг Бош вазири А.Н.Арипов мазкур “йўл харитаси”да белгиланган тadbирларнинг ижросини **хар чоракда танқидий** муҳокама қилиб борсин.

18. Тошкент шаҳар ҳокимлиги (Артикходжаев) Тошкент шаҳар Ички ишлар бош бошқармаси (Ташпулатов), Тошкент шаҳар прокуратураси (Қосимов) **уч ой муддатда** пойтахтда жамоат хавфсизлигини таъминлаш ва жинойтчиликни жиловлаш соҳасига рақамли таҳлил ва ситуацион бошқарув тизимини жорий қилиш бўйича “**Тошкент тажрибаси**”ни яратсин ҳамда пойтахтнинг 2 та тумани кесимида тақдимот материалларини тайёрлаб, Вазирлар Маҳкамасига киритсин.

19. Бош вазир ўринбосари А.Абдухакимов, Самарқанд вилояти ҳокимлиги (Турдимов), Ички ишлар вазирлиги (Бобожонов) **уч ой муддатда** Самарқанд вилоятига ташриф буюраётган туристлар хавфсизлигини таъминлашга қаратилган “**Самарқанд тажрибаси**”ни яратсин ҳамда Ўзбекистон Республикасининг Бош вазирида тақдимот ўтказсин.

20. Ички ишлар вазирлиги (Тураходжаев, Абдуллаев):

уч ой муддатда Ички ишлар вазирлиги Ситуацион-таҳлилий маркази тизимининг ягона таҳлилий платформасини **Тошкент шаҳар ягона бошқарув марказига** татбиқ этиш;

жорий йил якунига қадар содир этиладиган ҳуқуқбузарликлар, жинойтлар ҳамда криминоген вазиятларни сунъий интеллект ёрдамида “**маҳаллабай**” **ситуацион таҳлил қилиш ва прогнозлаш тизимини** яратиш ва амалиётга жорий этиш чораларини кўрсин.

21. Ўзбекистон Республикаси Президентининг маслаҳатчиси Б.Исламов Ички ишлар вазирлиги (Бобожонов, Абдуллаев) билан биргаликда **бир ой муддатда** профилактика инспекторларининг фаолиятини янада самарали ташкил этиш мақсадида уларга иш натижалардан келиб чиққан ҳолда лавозим маошларига қўшимча устамалар ўрнатиш бўйича асосланган ҳисоб-китоблар асосида таклифларни ишлаб чиқиб, киритсин.

22. Ички ишлар вазирлиги (Бобожонов) Ўзбекистон миллий телерадиокомпанияси (Хаджаев) билан биргаликда оммавий ахборот воситалари орқали ички ишлар органларидаги ислохотларнинг натижадорлиги, шу жумладан “102” автоматлаштирилган тизимининг имкониятлари ҳақида кенг қамровли тарғибот-ташвиқот ишларини ташкил этсин.

23. Ички ишлар вазирлиги (Бобожонов) Ташки ишлар вазирлиги (Норов), Олий ва ўрта махсус таълим вазирлиги (Тошқулов) билан биргаликда 2022-2023 йилларда эксперт-криминалистика соҳасидаги мутахассисларни тайёрлайдиган профессор-ўқитувчиларни замонавий экспертиза турлари бўйича етакчи хорижий муассасаларда малакасини ошириш чораларини кўрсин.

24. Ички ишлар вазирлиги (Бобожонов) Молия вазирлиги (Ишметов) билан биргаликда:

жорий йил 1 ноябрга қадар туман (шаҳар) ички ишлар органлари эксперт-криминалистика бўлинмаларини криминалистик чемоданлар, ҳодиса жойларидан жиноят изларини аниқлаш учун махсус кукунлар, кимёвий моддалар ва бошқа сарф материаллари билан таъминлаш;

Ўзбекистон Республикаси Президентининг 2022 йил 8 февралдаги ПҚ-122-сон қарори ижроси юзасидан **жорий йил якунига қадар** микроавтобус негизида тўлиқ жиҳозланган **6 та ҳаракатланувчи криминалистик лабораторияларни** харид қилиш ва Ички ишлар вазирлиги Академияси, Сирдарё, Жиззах, Қашқадарё, Навоий ва Хоразм вилоятлари ички ишлар бошқармалари фаолиятида фойдаланишни ташкил этиш;

2023 йил 1 сентябрга қадар ички ишлар органлари жамоат хавфсизлиги хизмати бўлинмалари фаолиятига рақамли технологияларни кенг жорий этиш мақсадида Ички ишлар вазирлигининг бюджетдан ташқари маблағлари ҳисобидан **12 000 дона** замонавий планшетларни харид қилиш;

2022-2023 йилларда ички ишлар органлари профилактика инспекторлари, патруль-пост ва йўл-патруль хизмати ходимларини Ички ишлар вазирлигининг бюджетдан ташқари маблағлари ҳисобидан **енгил зирхли нимчалар** билан таъминлаш чораларини кўрсин.

25. Ички ишлар вазирлиги (Бобожонов, Абдуллаев) Молия вазирлиги (Ишметов), Тошкент шаҳар ҳокимлиги (Артикходжаев), Самарқанд вилояти ҳокимлиги (Турдимов), манфаатдор вазирликлар ва идоралар билан биргаликда **бир ой муддатда 2022-2025 йилларда йўл-патруль ва патруль-пост хизматлари бўлинмалари автомобиль паркиннг 50 фоизини босқичма-босқич (биринчи навбатда, Тошкент шаҳар ва Самарқанд вилоятида) электромобиль билан таъминлаш чораларини назарда тутувчи Ҳукумат қарори лойиҳасини** ишлаб чиқиб, Вазирлар Маҳкамасига киритсин.

26. Ички ишлар вазирлиги (Бобожонов, Абдуллаев), Ахборот технологиялари ва коммуникацияларини ривожлантириш вазирлиги (Шерматов) Ўзбекистон Республикаси Президентининг 2018 йил 30 октябрдаги ПҚ-3989-сонли қарори ижроси юзасидан **жорий йил 1 сентябрга қадар 300 дона, 2023 йил 1 августга қадар 700 дона кўк ва кизил рангли ялт-ялт этувчи чироқ-маёқча, махсус товушли ишоралари ҳамда автоматлаштирилган жамоат тартибини назорат қилиш ва йўл ҳаракати қоидабузарликларини аниқлаш мосламаларини олиб келиб ўрнатиш ва амалиётга жорий этилишини таъминласин.**

27. Андижон вилояти ҳокимлиги (Абдурахмонов), Наманган вилояти ҳокимлиги (Абдураззоков), Фарғона вилояти ҳокимлиги (Бозаров), Тошкент вилояти ҳокимлиги (Мирзаев), Ахборот технологиялари ва коммуникацияларини ривожлантириш вазирлиги (Шерматов), Ички ишлар вазирлиги (Абдуллаев) билан биргаликда Ўзбекистон Республикаси Президентининг 2018 йил 30 октябрдаги ПҚ-3989-сонли қарори ижроси юзасидан **2022 йил 1 сентябрга қадар** ҳукукбузарликларни фото-видео қайд этиш ва ҳудудни назоратини амалга оширишга мўлжалланган “SR-290” русумли **407 та** комплекс мосламаларни тегишли ҳудудларга ўрнатиш ва уларнинг фаолиятини йўлга қўйиш чораларини кўрсин.

28. Тошкент шаҳар ҳокимлиги (Артикходжаев) пойтахт ички ишлар органларининг барча профилактика инспекторлари учун, Ички ишлар вазирлиги (Бобожонов) Самарқанд шаҳар ички ишлар органлари барча профилактика инспекторлари учун маҳалла ҳудудида ҳаракатланиш мақсадида **2022 йил якунига қадар** электроскутерлар билан таъминлаш чораларини кўрсин.

✓ 29. Ўзбекистон Республикаси Президентининг 2022 йил 4 апрелдаги “Автомобиль йўлларида инсон хавфсизлигини ишончли таъминлаш ва ўлим ҳолатларини кескин камайтириш чора-тадбирлари тўғрисида” ПҚ-190-сонли қарори ижросини таъминлаш мақсадида:

✓ а) Қорақалпоғистон Республикаси Вазирлар Кенгаши, Тошкент шаҳар ва вилоятлар, туман (шаҳар)лар ҳокимликларига:

махсус эксплуатация-монтаж бўлинмаларининг бино ва иншоотларини, уларнинг ёндош ҳудудлари, моддий-техника базасини, шу жумладан, янги замонавий махсус техника билан таъминлашни тегишли маҳаллий бюджет маблағлари ҳисобидан амалга оширилишига ёки ушбу тадбирларни амалга ошириш учун зарур маблағларни “Хавфсиз йўл ва хавфсиз пиёда” республика жамғармасига ўтказишга;

ўз ҳудудларидаги автомобиль йўлларида йўл ҳаракати коидалари бузилишини қайд этувчи махсус автоматлаштирилган фото ва видео дастурий-техник воситаларини, шунингдек, жамоат тартибини сақлаш учун видеокузатув дастурий таъминотларни ўрнатиш учун маҳаллий бюджет маблағлари ҳисобидан сарф-харажат қилишга;

✓ б) Ички ишлар вазирлигига:

Давлат йўл ҳаракати хавфсизлиги хизмати моддий-техника базасини ривожлантириш, ходимларини рағбатлантириш ва мукофотлаш жамғармаси маблағлари ҳисобидан йўл-патруль хизмати ходимлари учун алкотестр, электромобиль, электршокер, планшет, транк радиоолоқа воситалари ва бошқа зарур жиҳозларни харид қилишга;

“Хавфсиз йўл ва хавфсиз пиёда” республика жамғармаси маблағлари ҳисобидан махсус эксплуатация-монтаж бўлинмалари бино ва иншоотларини қуриш, таъмирлаш ва моддий-техника базасини мустаҳкамлаш ишларини амалга оширишга руҳсат берилсин.

30. Ички ишлар вазирлиги (Бобожонов), Молия вазирлиги (Ишметов):

жорий йилда ички ишлар органлари патруль-пост хизмати ходимлари ва профилактика инспекторларининг **янги намунадаги кундалик кийим-бошини** синов тариқасида Тошкент шаҳар ва Самарканд вилоятида жорий этиш, ижобий натижа берган тақдирда **2023 йилдан бошлаб** республиканинг барча ҳудудларида тўлиқ жорий этиш чораларини кўрсин;

ички ишлар органлари хавфсиз туризм бўлинмалари ходимларининг **янги намунадаги кундалик кийим-боши** маъқуллансин ва метрополитенда хавфсизликни таъминлаш бўлинмалари ходимларига жорий этиш чораларини кўрсин.

31. Ички ишлар вазирлиги (Бобожонов)нинг:

а) Яшнобод тумани, Уйсозлар кўчасида жойлашган Тошкент шаҳар ҳокимлигига тегишли умумий ер майдони 3,0 гектардан иборат қурилиши тугалланмаган бино ва иншоотларни кинология хизмати хизмат итлари наслчилик питомнигини ташкил қилиш учун Тошкент шаҳар Ички ишлар бош бошқармасига бериш;

б) Яшнобод тумани, “Кўксарой” МФЙ, Чигил кўчасида жойлашган Тошкент шаҳар Ички ишлар бош бошқармаси балансидаги бўш турган бино ва иншоотлар ўрнида ички ишлар органлари ходимлари учун кўп қаватли турар-жой биносини барпо этиш;

в) Янгиҳаёт тумани, “Бинокор” МФЙ, Соҳил кўчаси, 11а-уй манзилида жойлашган маҳаллий ҳокимлик балансидаги собиқ маҳалла биносини реконструкция қилган ҳолда, Янгиҳаёт туманидаги 4-сон ички ишлар бўлимини жойлаштириш тўғрисидаги таклифларига розилик берилсин.

Давлат активларини бошқариш агентлиги (Ортиқов) Ички ишлар вазирлиги (Бобожонов), Тошкент шаҳар ҳокимлиги (Артиқходжаев) билан биргаликда **бир ой муддатда** мазкур бандда назарда тутилган бўш турган ва қурилиши тугалланмаган бино ва иншоотларни ички ишлар органларининг моддий-техника базасини яхшилашга қаратилган чора-тадбирларни амалга ошириш учун Тошкент шаҳар Ички ишлар бош бошқармасига оператив бошқарув ҳуқуқи билан берилишини таъминласин.

32. Тошкент шаҳар ҳокимлиги (Артиқходжаев), Қурилиш вазирлиги (Закиров)нинг аҳолига янада қулайликлар яратиш ҳамда янги савдо, хизмат кўрсатиш ва сервис объектлари фаолиятини йўлга қўйиш мақсадида:

Миробод тумани, Туркистон ва Ойбек кўчалари кесишувидаги 12а-уй манзилидаги ер майдонида барпо этилган кўп қаватли автотураргоҳ фаолиятига қўшимча равишда замонавий архитектура ечимларини қўллаган ҳолда, офис бинолари ва хизмат кўрсатиш объектларини жойлаштириш;

Яккасарой тумани, Қўшбеги кўчаси, 18а-уй ва “Салар” канали оралиғида замонавий савдо мажмуаси объектини барпо этиш лойиҳаси ишлаб чиқилганлини инобатга олиб, ушбу ер майдони чегараларини шаҳарсозлик нормаларига мувофиқлаштириб, қайта тасдиқлаш (корректурани қилиш) тўғрисидаги таклифларига розилик берилсин.


33. Тошкент вилояти ҳокимлиги (Мирзаев) Давлат солиқ қўмитаси ҳузуридаги Кадастр агентлиги (Пулатов) билан биргаликда **бир ой муддатда** Мирзо Улуғбек тумани, Ўқитувчилар кўчаси ҳудудидан якка тартибдаги уй-жой қуриш учун ажратилган 29, 35, 46, 175, 176, 179 ва 180-сонли ер участкалари давлат ва жамоат эҳтиёжлари учун олиб қўйилиши муносабати билан ушбу мулкдорларга, истисно тариқасида, Тошкент шаҳар ҳокимлиги тавсияси асосида Тошкент вилояти, Қибрай тумани, Дўрмон қишлоғи ҳудудидан зарур ер участкалари ажратиш берилишини таъминласин.

34. Мазкур баён топшириқларининг ўз вақтида ва тўлиқ бажарилишини таъминлаш Ўзбекистон Республикасининг Бош вазири А.Н.Арипов ва унинг ўринбосарлари А.Ж.Раматов, Ж.А.Қўчқоров, С.У.Умурзаков зиммасига юклансин.

Вазирлар Маҳкамаси амалга оширилган ишлар юзасидан **ҳар чорак якуни бўйича** Ўзбекистон Республикаси Президенти Администрациясининг Ижро аппаратиغا, шунингдек, Тошкент шаҳар ҳокимлиги (Артикходжаев), Ички ишлар вазирлиги (Бобожонов), мутасадди вазирликлар ва идоралар раҳбарлари, **ҳар ой якуни бўйича** Вазирлар Маҳкамасига ва Ўзбекистон Республикаси Ҳисоб палатасига батафсил ҳисобот бериб борсин.

Ҳисоб палатаси (Турабов) ушбу баён топшириқларининг белгиланган муддатларда ва сифатли бажарилиши юзасидан тизимли назорат ўрнатиб, Ўзбекистон Республикаси Президенти Администрациясига мунтазам равишда ахборот киритиб борилишини таъминласин.


Ўзбекистон Республикасининг
Бош вазири



А.Арипов

2022 йил "13" май

Ўзбекистон Республикаси
Президенти Администрацияси
раҳбари



З.Низомидинов

2022 йил "13" май